

FASWIRI HA LUGHA YA SHIMAORE YA MUTEKELEZEZO WA SHI ULEMENGU WA ZIHAKI ZA MWANADAMU (HAKI-L-ADAMI)

DAITBADJJI (MUKADDIMA)

Ha uwafiki amba muku6alio wa sheo wahuswiana na watru piya wapanga udjama wa shi 6inadamu, na wa zihaki zao zilio sawa wala kazitriliha rahani, urendreha dē musingi wa unafasi, na wa haki, na wa amani hari mwa lidunia ;

Ha uwafiki amba muharalio na mupuzisio wa zihaki za mwanadamu zitsongesha mufanyishio wa zitrendrwa za shi ukatili zikao amba zitsotso fikira ya unadamu, arudi mujilio wa ulemengu ukao amba ziembe 6inadamu watsokana nafasi ya ulagua na ya uamini, amba wapukamana na trisidzo na usikini, 6asi mujilio uwo utrangiziwa mauri dē mataradjio ma6ole ka6isa ya mwanadamu ;

Ha uwafiki amba irendreha muhimu zihaki za mwanadamu zihafadhiwe na sirikali ya haki ile pare mwanadamu asulazimishihe, ha udzidailia, arumie shombo ndziro ya uwana kinyume na upeu, na unyonyozi ;

Ha uwafiki amba irendreha muhimu mutrilio-shime wa mwendreleombeli wa mingiliano ya shi uwandzani 6aina ya matwaifa ;

Ha uwafiki amba hari mwa sharia-musingi, umati wa Uvhumoja wa Matwaifa watrangaza ha mara yangina iimani yao hari mwa zihaki musingi za mwanadamu, hari mwa usheo na utru wa u6inadamu, hari mwa usawa wa zihaki za watru6aba na watrumama, esa wadzitayarisha ha uvhendzelea maendreleo ya shi udjama, esa wadzitayarisha wajau ha utria ndziani masharutwi mema ya uēshi hari mwa unafasi m6ole ka6isa ;

Ha uwafiki amba zi Daula Wanashama zirenge wahadi ya utria ndziani, mastaha ya shi ulemengu na ya kweli ya zihaki za u6inadamu na zinafasi musingi ; na zinu, ha mushirikiano na Kungumanyo ya Uvhumoja wa Matwaifa ;

Ha uwafiki amba fikira ya shi udjama ya zihaki zinu na zinafasi zinu ya muhimu ka6isa ha urenga miādi inu namna yastahiki ;

Li6araza djimla lisutrangaza Mutekelezezo wa shi Ulemengu uhusu Zihaki za Mwanadamu (Haki-l-Adami) mauri dē mataradjio ya djama yakusudiwa na umati piya na matwaifa piya, ile pare watru piya na zidjani6u zotsi za imudjitamaā, walio amba wana mutekelezezo unu fikirani, wafanye djitihadi, ha ndzia za musomo na za malezi, ya uendresa mbeli mastaha ya zihaki zinu na zinafasi zinu, na ha utria ndziani, ha urenga satua zendrao na uengedzeka hari mwa muka6ala wa shi tsiju au wa shi ulemengu, muku6alio na mutrilio-ndziani wa shi ulemengu tsena wa kweli, neka mengoni mwa wakazi wa ziDaula Wanashama wawo ha wawo, au mengoni mwa wakazi wa ziardwi zilio utsini mwa imahakama yao.

Kanuni ya handra

Wanadamu piya udzalwa huru tsena sawa ha ufahari na ha haki. Na wawo wana ākili na hisi, esa ilazimu wadzivhinge na wanyao ha fikira ya unanya.

Kanuni ya vhili

Kula mutru atsojua apare faida ya zihaki piya na ya zinafasi piya zadhukurulwa hari mwa mutekelezezo unu, 6ila tafauti itsokao yotsi, hususwani ya ka6ila, ya range ya mwili, ya utru6aba au utrumama, ya lugha, ya dini, ya mafikira ya shi siasa au mafikira itsokao yotsi yahuu aswili ya shi tsiju au ya shi udjama, ya utadjiri, ya mudzilio au heli itsokao yotsi.

Arudi, kavhutsofanyishiha tafauti itsokao yotsi yawashiha hari mwa upandre wa shi siasa, wa shi mahakama, au wa shi ulemengu wa itsi au wa iardhwi ya mutru vhahanu alawa, na itsi inu au ardwi inu itsojua ike amba ya huru, au itawaliwa na tsi yangina, au kaidzishindri au ilio hari mwa mupaka itsokao yotsi ya ufalume.

Kanuni ya rarur

Kula mutru ana haki ya uēshi, ya ukana unafasi na ya uka hari mwa amani ya utru wahe.

Kanuni ya nne

Kavhusi mutru atsolazimishiwawo ake murumwa au hari mwa urumwa. Namna yotsi itsokao, urumwa na ufanya 6iashara ya warumwa zi6alidziwa.

Kanuni ya tsano

Kavhusi mutru atsoPATSIWAWO zitriko, wala udziro au maendreleo mbovu, maendreleo tsi ya shi 6inadamu au ya udili.

Kanuni ya sita

Kula mutru ana haki ya muku6alio wa utru wahe ha ndzia ya shi mahakama, vhahanu votsi vhutsokao.

Kanuni ya sa6a

Wanadamu piyawo sawa mbeli na isharia, esa wana haki 6ila tafauti itsokao yotsi hari mwa muhafadhwi wa isharia. Wanadamu piya wana haki ya uka hari mwa hifadhwi ha usawa kinyume na kula u6anguzi utsoendrao kinyume na Mutekelezezo unu, esa kinyume tsena na kula mutsotseo wa u6anguzi mauri unu.

Kanuni ya nane

Kula mutru ana haki ya ukana hadja ya kusudi mbeli na hukuma ya tsiju iliona furswa ya uka kinyume na zitrendrwa zendrao kinyume na zihaki musingi zikao amba ziku6aliwa na sharia musingi au na isharia wiyo wiyo.

Kanuni ya shendra

Kavhusi mutru atsoziwawo, au atso6aliwawo shivani au atolwe muji 6ila u6unga ihaki.

Kanuni ya kumi

Kula mutru ana haki, ha usawa wa kusudi, ya uka amba mataradjio yahe yavhulikiwe ha uādilifu, ama trengweni, na mahakama ilio huru 6ila Na mahakama yanu yatsorenga āzima neka dē ha zahe na farudwi zahe, neka dē ha haki yalawa na kula tuhuma hari mwa trongo yapatana na mahakama yendrao kinyume na mutru.

Kanuni ya kumi na moja

Kula mutru atuhumulwa na shitrendrwa ya peu, waye uhasi6ilwa amba karendra trongo pindri kavhwaparhwana dalili ya dhuluma yahe ha haki mbeli na hukuma ya shi trengwe ikao amba kula zana muhimu za umudifaī ziyakinishiha.

Kavhusi mutru atsofungwawo ha tasaba6u ya zitrendrwa au trongo zapuzisiwa, zikao amba zaka zafanyishiha kazaka zahasi6ilwa mauri za peu ulawana na haki ya shi tsiju au ya shi ulemengu. Wajau, mutru katsoremwa shengwe ndziro raha na iyo ikao amba ika itrilwa ndziani wakati shitrendrwa ya peu yafanyishiha.

Kanuni ya kumi na mbili

Kavhusi mutru atsoTUNDWAO 6ila haki hari mwa maesha yahe ya kula suku, au hari mwa udjama wahe, au hari mwa makazi yahe, au tsena hari mwa ma6arua yahe, wala atsokanao madhwaru hari mwa usheo wahe, na hari mwa mujilihano wahe. Kula mwanadamu ana haki ya waye ukingiwa na isharia kinyume na utunduzi unu au madhwaru yanu.

Kanuni ya kumi na taruru

Kula mutru ana haki ya waye uendra na urudi ha nafasi na utsahua makazi yahe moni na Daula.

Kula mutru ana haki ya ulawa hari mwa kula tsi, ata shingani dē itsi yahe, tsena uregea hari mwa itsi yahe.

Kanuni ya kumi na nne

Mbeli na īzara, kula mutru ana haki ya waye uzunguha vhahanu vhwu u6amia, esa apare faida ya mu6amilio hari mwa tsi yangina.

Ihaki inu kaitsojua yarumilwa hari mwa muka6ala wa mashitaka yaketsi ha kasidi amba musingi wayo uwashiha ha shitrendrwa ndziro ka6isa ulawana na sharia djimla au ha mitsakandro kinyume na makswada na zingidzo za Uvhumoja wa Matwaifa.

Kanuni ya kumi na tsano

Kula mwanadamu ana haki ya ukana uraā.

Kavhusi mutru atsojuao aziviliwe 6ila uādilifu uraā wahe, wala aziviliwe haki ya ugaudza uraā wahe.

Kanuni ya kumi na sita

Ulaw mwaha wa u6alighi, mutru6a6a na mutrumama, wana haki ya ulolana na utsenga udjama ; na zinu, 6ila muzivilio utsokao wotsi wa shi ka6ila, na wa uraia au wa idini. Na wawo, haki zawo sawa uvhandre wa indrola, wakati wa indrola, na wakati indrola ifao.

Indrola kaitsojua yafungiha 6ila muku6alishio wa kusudi wa 6i6i na 6wana harus.

Udjama uwo khulika wa shi 6inadamu esa muhimu wa umudjitamaa, na uwo una haki uhifadhwiwe na udjamaa tsena na iDaula.

Kanuni ya kumi na sa6a

Kula mutru, ahika weke au ahika na udjamaa, ana haki ya ukana yahe miliki.

Kavhusi mutru atsojuao, 6ila haki, aziviliwe imiliki yahe.

Kanuni ya kumi na nane

Kula mutru ana haki ya ukana unafasi wa ufikiri, wa ukana hisi, na wa dini; na ihaki inu isutsongesa unafasi wa ubuzudza dini au iitikadi, vhwamoja na unafasi wa uvenua dini yahe au iitikadi yahe ahika weke au ha djamaa, ahika trengweni au sirini, na zinu, ha musomo, na swala, na i6ada, na mukamilishio wa zimila.

Kanuni ya kumi na shendra

Kula mwanadamu ana haki ya ukana nafasi ya utekeleza fikira, na utamuka izo atsahao arongoe, iyo de itsongao mutru akane haki asumarusiwe ha si6abu ya mafikira yahe, na haki ya uzunguha, ya upara, na ya utrangaza maha6ari na mafikira, ha namuna yotsi ya ulagua, 6ila utunduzi wa mipaka.

Kanuni ya shirini

Kula mutru ana haki ya ukana nafasi ya mungulidzano ha utrulivu na ya mupangio wa shama ya amani.

Kavhusi mutru atsojuao alazimishiwe ake mwana wa shama itsokao yotsi.

Kanuni ya shirini na moja

Kula mutru ana haki ya urenga fuvu hari mwendreseo wa zitrongo za trengweni za itsi nahika ha iwaye yahe au ha ndzia ya mawakala watsahulwa ha unafasi.

Kula mutru ana haki ya waye ungia, ha masharutwi ya usawa, hari mwa zihazi za sirikali ya itsi yahe.

Inia ya wanatsi de umusingi wa iezi ya isirikali ; inia inu ilazimu itekelezewe hari mwa mitsahulio ya yalazimu ike hari mwa muda mahususu, ha usawa, udjimulifu wa wakazi wa 6alighi, na iyo, ha wa siri au ha udunga maendreleo sawa na zinu zadhukurulwa zitsositehio unafasi wa mutsahulio.

Kanuni ya shirini na mbili

Kula mutru ana haki, ha ivho alio moni imudjitamaa, ya upara hifadhwi yahusu unono wahe; musingi wayo de upara mufurahishio wa zihaki za aki6a, za shi udjama, na za shi utamaduni zikao za muhimu na ihishima yahe, na maendreleo mbeli unafasi ya inafusi yahe, na zinu ha tasa6abu ya ya shi tsi, na ya mushirikiano ya shi ulemengu, ulawana na mupangio wa kula tsi, na zirasulumali zazo.

Kanuni ya shirini na traru

Kula mutru ana haki ya ufanya hazi, na mutsahulio ha unafasi ya ihazi yahe, ha mashaurtwi shi uadilifu na ya shi mufurahishio ya hazi, na haki wajau ya muhafadhwiio kinyume na mukao-6ure.

Watru piya wana haki ya upara mushahara sawa ha hazi sawa, 6ila ufanya tafauti itsokao yotsi.

Kula mutru afanyao hazi ana haki ya upara mushahara ya shi uadilifu na ya shi itsomuruhusuo waye na udjama wahe wakane itsololanao na ihishima ya shi u6inadamu na utsotsimidziwao, neka ya muhimu, na kwakula ndzia ya hifadhwi ya shi udjama.

Kula mutru ana haki ya upanga vhwamoja wanyahe zama za madailiano, na haki ya mwanashama hari mwa zama za madailiano ha udafui zitanafu zahe.

Kanuni ya shirini na nne

Kula mutru ana haki ya uvumuzi na ya malangadzo, hususwani haki ya mupaka wasitahiki wapatana nyakati za hazi, na haki ya uvumuzi wa muda ulivishihao.

Kanuni ya shirini na tsano

Kula mutru ana haki ya ueshi ha daradja kiasi ya ukingia unono wahe, masterehi yahe, na ukingia za udjama wahe, hususwani yapatana na mupindrio, makazi, dzihiro la shi unono, na yapatana na ziidara muhimu za shi udjama; tsena kula mutru haki apare usalama neka a hari mwa u6ure, uwa6e, ushirewe, ufiliwa na mutrumme au mutrumsh, au hari mwa mika6ala yangina ikao amba avungushiwa na zombo za ueshi ulawana na trongo zikao amba kazalekeana na uvhendza yahe.

Djumba la mudzalisio (la udzazi) na la unatsa wana haki wapare musada na mushangirio mahususu. Wanatsa piya, ra wana halali ata wa zina, wana haki ya upara muhafadhwiio sawa-sawa wa shi udjama.

Kanuni ya shirini na sita

Kula mutru ana haki hari mwa msomo. Na msomo unu ulazimu uke 6ure, ha ushashi iyo yapatana na musomo wa mwandro na musomo musingi. Na musomo wa mwandro uwo farudhwi. Misomo ya fani na muhono wa hazi ilazimu ieneye; na mudungio misomo ya uju ulazimu ubulwe ha watru piya ha usawa ka6isa ulawana na iyo yawasitahiki.

Msomo ulazimu ukusudie mukayo-fetre ka6isa wa utru wa u6inadamu, ukusudie wajau mutrilio-nguvu wa masitaha ya zihaki za Mwanadamu (haki-l-adami) na ya zinafasi musingi. Na musomo unu ulazimu uke na uelevu, na muswamaha, na uwandzani 6aina ya matwaifa yotsi, na zikao zotsi za ka6ila au za dini, vhwamoja na mwendreleo mbeli wa zitrendrwa za Uvhumoja wa Matwaifa ha mukingio wa amani.

Wadzade wana haki watsahue namuna ya malezi ya uvha wana wawo, ha ukidza mbeli zizo zilio muhimu.

Kanuni ya shirini na sa6a

Kula mutru ana haki arenge fuvu ha unafasi hari maesha ya shi utamaduni ya udjamaa, arenge 6astwi ziswanaa, arenge fuvu hari mwa maendreleo ya shi sayasi, na zindjema zitsolawanao na wizo.

Kula mutru ana haki ya uhafadhwi zifaida za shi na za zombo zitsolawanao na mavuna yatsokao nahika ya shi sayasi, au ya shi adabi, au tsena ya shi fani yalio amba waye de mutrungizi.

Kanuni ya shirini na nane

Kula mutru ana haki ya ufanya namna ata vhu6uhe maendreleo yatsotawalao, hari mwa uvhandre wa udjama, na uvhandre wa shi ulemengu, ile zihaki zinafasi zavumbulwa hari mwa Mutekelezeo unu zishindre zipare 6andza.

Kanuni ya shirini na shendra

Mwanadamu ana ziwadji6u mbeli na ikao amba mwendreleo mbeli wa uutru wahe tu, ha unafasi, tsena yatsimu, isumukinishiha.

Ha umurumilio wa zihaki zahe, na ha 6astwi wa zinafasi zahe, kula mutru kalazimishiwa nahika tsi de mipaka zahetsiwa na isharia tu ha muhakinishio wa mukeleo na mastaha ya zihaki zinafasi za mutru, na ha utsaha mufurahishio ha haki mataradjio ya shi akili, na ya shi trengwe, na masterehi djumla hari mwa imudjitamaa ya shi unafasia.

Zihaki zinu na zinafasi zinu, ala-kulli-hali, zarumishiha kinyume na zimakswada na zisharutwi za Uvhumoja wa Matwaifa.

Kanuni ya

Kavhusi ata tarti6u moja ya Mutekelezeo unu ifasiriwe uvandre wa Daula, shikao, au mauri idzitria hari mwa haki itsokao yotsi ya udzivha hazi au ya ufanya shitendrwa ikao amba yayo de ukomoa zihaki na zinafasi zadhukurulwa moni vhanu.